

## VOORBLAD

13 September 2012

Jaargang 5 – Uitgawe 32

### In hierdie uitgawe

- Voorblad
- Beroepe en standpasse
- Predikante en gemeentes
- Ander nuus
- Kommentaar
- Agterblad



Teken in op die  
e-Hervormer en  
ontvang elke uitgawe  
gratis per e-pos!

• Stuur 'n e-pos aan  
[karen@nhk.co.za](mailto:karen@nhk.co.za)

Nuus, berigte en kort  
kommentaar (uiters 100  
woorde) aan  
[produksie@nhk.co.za](mailto:produksie@nhk.co.za)

### 366 dae

***En wanneer hierdie verganklike liggaam met die onverganklike beklee is, en hierdie sterflike liggaam met die onsterflike, dan sal die woord wat geskrywe staan, vervul word: "Die dood is vernietig, die oorwinning is behaal." "Dood, waar is jou oorwinning? Dood, waar is jou angel?" (1 Kor 15: 54-55)***

Om 01:06 op Donderdag 6 September 2012 was dit presies 'n jaar sedert die piepgeluid van die hartmonitor stilgeword het en die paramedikus, Norman, na my gekyk het en net sy kop geskud het. My vrou, Hanlie, was nie meer met ons nie. Die kanker het sy tol geëis. Hierdie driehonderd ses-en-sestig dae (2012 is mos 'n skrikkeljaar) was allermens maklik. Ek het 'n klomp dinge in dié jaar geleer, onder ander dat dit my help om te skryf oor wat ek beleef. Daarom dié stukkie oor wat ek nou weet en nie weet nie. Een ding is seker: Ek weet meer en meer dat ek nie weet nie. Ek vermoed ek bevind my darem in goeie geselskap – onder andere Sokrates s'n, as ek dit nie mis het nie...

Ek weet nou dat ek bitter min antwoorde het op die moeilike vrae oor die sin van die lewe, lyding, die dood, ensovoorts. Ons dominees dink soms mos ons moet al die antwoorde hê. Ons het nie, en ek het geleer dat dit bevrydend is om dit te kan erken. En, eienaardig genoeg, beleef ek dat dit amper meer troos en bemoediging bring as ek vir mense sê: *Ek weet wat om nie vir jou te sê nie, maar ek weet ook regtig nie wat om wel vir jou te sê nie.*

Ek het nie geweet dat verlange so erg kan wees nie. Ek het nie geweet dat 'n mens alleen kan wees selfs al is jy tussen 'n klomp mense nie. Ek weet die lewe gaan aan. Ek lees dat iemand oor 'n familielid se dood tydens die Tweede Wêreldoorlog gesê het: *It's true we'll never get over it, but we will get used to it, we'll learn to live with it.* Ek weet net nie wanneer dit gaan begin gebeur nie.

Ek weet nie wanneer ek reg gaan wees om iets te doen met Hanlie se klere, haar juwele, haar grimering nie. Al's is nog presies soos dit 'n jaar terug was. Ek weet ek moet haar selfoonkontrak kanselleer, maar dan verloor ek die enigste plek waar ek nog haar stem, op die stempbosbodskap, kan hoor.

Ek weet ek is dalk oormatig beskermend teenoor Hanlie se nagedagtenis. As 'n kollega op Facebook 'n smalend-sarkastiese ope brief rig aan *Ou Ettie* waarin hy insinueer dat ek Aids het (*Ek stel voor jy kry aids. Het jy al?! Nee man, nie daai aids nie! Ek praat van hearing aids! Waaraan het jy dan gedink?!*), dan voel ek vere oor wat hy oor my sê. Maar wat daarmee ook oor my vrou geïmpliseer word, maak bitter, bitter seer.

Ek weet dat ek heeltemal saamstem met my seun, Etienne, se Facebook-status op 6 September: *Vandag 'n jaar terug is my beste maat, my ma Hanlie Fourie, oorlede. Alhoewel dit die seerste seer van my lewe sover is en was, kan ek as gevolg van my wonderlike familie, ongelooflike vriende en genade van Bo steeds sê dat die lewe goed is en dat dit vir my lekker is om te lewe.*

Dit is nog lekker om te leef, want ons Verlosser leef. Hy het klaargespeel met die oorwinning, die angel van die dood. Dit weet ek.



### Skakels

Webblad van die Hervormde Kerk

*Die Hervormer*

*e-Hervormer*

Indien u nie weer die e-Hervormer wil ontvang nie, kliek op [www.hervormer.co.za/cancel.html](http://www.hervormer.co.za/cancel.html)

[www.nhka.org](http://www.nhka.org)

[www.hervormer.co.za](http://www.hervormer.co.za)

[www.hervormer.co.za/e\\_Hervormer.html](http://www.hervormer.co.za/e_Hervormer.html)

**Ds Etienne Fourie**

## BEROEPE EN STANDPLASE

Kontak die webbladredakteur, prof Ernest van Eck, by [ernest.vaneck@up.ac.za](mailto:ernest.vaneck@up.ac.za) om vakante standplaase op die Kerk se ampelike webblad by [www.nhka.org](http://www.nhka.org) te plaas. Onthou asseblief dat 'n standplaas eers vakant verklaar moet wees voordat dit geadverteer mag word. Kontak dr Frikkie Labuschagne by 012 322 8885 x256 in dié verband.



Ds Hennie Nel

Prop Annalize  
Rossouw

### Beroep aanvaar

- **Prop Annalize Rossouw** na die Kuruman-kombinasie

### Beroep bedank

- **Ds Hennie Nel** van Potgietersrus na Hartebeeshoek

### Vakante standplaase

- **Gemeente Duncanville** in Vereeniging beskik oor 'n **vakante voltydse standplaas**, en het die proses begin om 'n beroep uit te bring. Enige belangstellende predikant of proponent kan 'n CV voor of op 30 September 2012 stuur aan die sekretariële beampete, mev Jeanné Venter, by [info@continentalgardens.co.za](mailto:info@continentalgardens.co.za). Die kerkraad is nie verplig om uit die groep aansoekers 'n beroep uit te bring nie.
- **Gemeente Randfontein Midpark** beskik oor 'n **vakante voltydse standplaas**, en beplan om eersdaags te beroep. Die gemeente bestaan uit 380 belydende lidmate met 'n gemiddelde ouderdom van 45 jaar. Predikante met bedieningservaring van tussen 3 en 8 jaar word genooi om met die gemeente in verbinding te tree (trakttement volgens die skaal 3 tot 8 jaar). Die gemeente behou die reg om enige predikant van die Kerk te beroep, en is nie verplig om net uit die persone wat met die gemeente geskakel het, 'n keuse te maak nie. Belangstellendes kan met die skriba, mev Hester Esterhuizen, by 011 692 3236 skakel, of met ds Wilhelm Steyn by 012 348 2932.

## PREDIKANTE EN GEMEENTES

Stuur asseblief berigte oor lief en leed aan [produksie@nhk.co.za](mailto:produksie@nhk.co.za).

- **Mev Rita Schroeder**, vrou van emerituspredikant ds Jan Schroeder, is Woensdagaand 12 September oorlede. Die roudiens vind op Dinsdag 18 September plaas vanuit Gemeente Heidelberg. Ons innige simpatie gaan aan ds Jan en hul familie.
- **Dr Jan Oberholzer**, ouderlinglid van die Kommissie van die Algemene Kerkvergadering (AKV) en vroeër bestuurder van die Kinderhuise, ondergaan op Donderdag 13 September 'n operasie om verspreide kanker te verwijder. Ons bid dr Jan en sy gesin sterkte en beterskap toe.
- Die **predikantevergadering** vir 2012 het op Woensdag 12 September by Gemeente Swartkop plaasgevind. Die tema was *In die voetspore van Christus – spiritualiteit in die Kerk*. Sprekers was ds Japie Coetze, dr Christo van der Merwe en dr Johan Geyser. Die bestuur vir die volgende termyn is aangewys – hulle is ds Marius Bacon (voorsitter), dr Sanrie de Beer (visevoorsitter), ds Frikkie van Wyk (sekretaris) en ds Thomas Dreyer van Wapadrant (penningmeester).
- Die ete tydens die Kommissie van die AKV se vergadering op Donderdag 6 September is voorgesit deur die **ring van Roodepoort**. 'n Kleurvolle en welkom verposing te midde van moeilike besprekings!



Vlnr is ds Frikkie van Wyk,  
ds Thomas Dreyer, dr Sanrie de Beer  
en ds Marius Bacon



- **Finaal van die landsweye Bybelvasvra.** Geluk aan al die spanne wat deurgedring het na die Finaal. Neem asseblief kennis van die volgende reëlings:

Datum: 21 tot 23 September  
**Vasvra 22 September om 09:30; registrasie vanaf 08:30**

Plek: Kwaggarsrus, buite Brits op Thabazimbi-pad; aanwysings sal aan deelnemende spanne gestuur word

Koste: Kampgelde **R200 per persoon** vir die naweek  
(Vasvra-inskrywingsgelde ingesluit)  
Diegene wat nie kamp nie, betaal **R50 dagbesoekersfooi**

Betalings: Raad van Finansies  
(verwysing: Gemeentenaam + Vasvra)

Stuur asseblief bewys van betaling na **bybelvasvra@gmail.com**

**Sluitingsdatum 14 September**

Laat weet ds Marna Naudé by **bybelvasvra@gmail.com** hoeveel mense en spanne vanuit jul ring verwag word.

- **Borg kilometers en help ons bejaardes.** Mev Magda van Deventer (redakteur van die Algemene Diakensvergadering se bylaag in *Konteks*) en 'n stafmaat, Avrianne Maritz, stap in September 200 km van 'n pelgrimsroete, die Camino de Santiago in Spanje. Deur middel van borgskappe per kilometer gaan hulle geld insamel vir die **Aksiegroep vir Bejaardes (AGB) van die ADV**. Skakel asseblief die ADV se kantoor by 012 322 8885 x221, of stuur 'n e-posboodskap aan Sonet Esterhuizen by **diens@diakens.co.za** en laat u borgskap aanteken. Meer inligting is beskikbaar op die diakens se webwerf by **www.diakens.co.za**.



- **AKSIEGROEP VIR BEJAARDES: 'n Wenk vir bejaardesorg**  
Bejaardes let nie altyd op veiligheidsmaatreëls ten opsigte van elektrisiteit nie. Maak seker dat bejaardes in jou omgewing nie te veel elektriese toebehore in een muurprop druk nie. Gaan na **www.diakens.co.za** vir meer inligting oor bejaardesorg.
- Talle van die Kerk se **emeriti** wil graag die **kerklike tydskrifte** (*Konteks* en *Die Hervormer*) en die *Almanak/Bybelse Dagboek* ontvang maar kan dit nie bekostig nie. Lesers wat bereid is om 'n **bydrae** te maak sodat die publikasies gratis aan emeriti voorsien kan word, kan hul bydrae inbetaal by die volgende bankrekening: Raad van Finansies, ABSA, tjakrekening nommer 020-000-287, takkode 632-005, verwysing SENTIK-EM.
- **Gemeente Durban-Suid** benodig **predikante** om op die volgende tye te preek:
  - 25 Desember om 07:00
  - 30 Desember om 08:30
  - 6 Januarie 2013 om 08:30Skakel prof Bieks Beukes by 072 036 4960 of Isabel Dirker by 031 467 7793
- **Preekbeurte in Dullstroom.** Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of **nhkdullstroom@yahoo.com**.
- **MRCC: 12de Algemene Kerkvergadering (Sinode)**  
Maandag 1 tot Donderdag 4 Oktober 2012  
Skogheim-konferensiesentrum, Port Shepstone, KZN  
Amptelike opening Dinsdag 2 Oktober, gelei deur ds Jan Mamabolo

- Emerituspredikant ds Pieter Pretorius beskik oor 'n **toga** wat hy wil verkoop om die geld aan **Gemeente Zesfontein** in Petit te gee. Die NHSV het vroeër vir 'n teologiestudent in die gemeente dié Skotse toga gegee – 'n beffie moet saam met die toga gedra word. Die student het intussen sy studies gestaak. Belangstellendes kan ds Pretorius skakel by 082 217 0950.

## Spesiale eredienste en feesnaweke

- **Optredes van leerders van Prinshofskool en Transoranje-skool se gebaretaalkoor**  
**Sondag 16 September** om 18:00: Gemeente Wonderboompoort  
Magtige Dreuning  
Navrae aan ds Carel-Johann de Bruin by 012 335 0040  
**Sondag 28 Oktober** om 08:00: Gemeente Midrand  
Navrae aan ds Paula Eksteen-Erasmus by 011 702 3046
- **Gemeente Bosmansrust: Sondag 23 September om 11:00 Dankfees en Nagmaal**  
Vierung van 125ste bestaansjaar van gemeente  
100-jaar-vierung van kerkgebou  
Alle oudpredikante, vorige lidmate en ander belangstellendes welkom  
Kontak Piet Marx by 082 708 6761 of [pamarx@lantic.net](mailto:pamarx@lantic.net)
- **Gemeente Swartkop: Sondag 28 Oktober: Nagmaaldiens**  
Herdenking van 40-jarige bestaan  
Gelei deur ds David Barnard, lank predikant in die gemeente  
Oudpredikante sal die tafels bedien  
Navrae aan Hannelie Beytell by 012 654 3471 of [nhswkop@telkomsa.net](mailto:nhswkop@telkomsa.net)
- **Gemeente Dullstroom: 2-4 November Viering van 125ste bestaansjaar**  
(Gestig 2 November 1887)  
Oudlidmate, oudpredikante en konsulente  
kan foto's/ervarings/gelukwensings stuur  
Almal welkom om saam te kom feesvier  
Navrae aan Johanna Pieterse by 072 116 3353
- **Gemeente Glencoe: Vrydag 7 Desember: Tyd later bekend**  
Buitediens op walle van die Wasbankrivier, distrik Glencoe,  
waar die Geloofte die eerste keer afgelê is  
Kliplegging na die diens  
Almal welkom  
Bring 'n klip van jou omgewing saam met die naam van jou gemeente  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)

## Predikanteverjaardae

- **Die volgende predikante verjaar tot 21 September, en word hartlik geluk gewens.**
  - Donderdag 13 September: Dr Johann Beukes (Weltevreden)
  - Vrydag 14 September: Dr Hennie Botes (Naboomspruit)
  - Saterdag 15 September: Ds Pieter le Roux (Vaalharts)
  - Sondag 16 September: Ds Stoffel Badenhorst (emeritus)
  - Maandag 17 September: Di Willem Herbst (emeritus) en Piet Rautenbach (Nkana)
  - Dinsdag 18 September: Ds Peet Kruger (emeritus)
  - Woensdag 19 September: Di Attie Hattingh (Delareyville) en Kobus Pienaar (Kruin)

- o Donderdag 20 September: Prop Suzelle Lange (beroepafwagtend)
- o Vrydag 21 September: Prof Adriaan Pont (emeritus)

## Beplande vergaderings

- Vrydag 14 September: Finkom van die ADV
- Maandag 17 September: Redaksie van Konteks
- Woensdag 19 September: Finkom van die Kinderhuise
- Donderdag 20 September: Redaksie van *Die Hervormer*  
Bestuur van die Ondersteuningsraad  
Ons Tuis Ledevergadering
- Vrydag 21 September: Finkom van die Ondersteuningsraad  
Werkgroep: Kerkwees  
in huidige ekonomiese milieu

## Kursusse en toerusting

- **Pietersburg: Vrydagaand 14 September**  
**Louis Trichardt: Saterdagoggend 15 September**  
Besoek van verteenwoordigers van Kommissie van AKV en Fakulteit Teologie  
Alle Hervormde lidmate uitgenooi om die gesprekke by te woon  
Ruim geleentheid vir vrae en gesprek oor akuele Kerksake  
Kontak ds Henk Joubert (Welgelegen-Pietersburg) by 082 561 3799  
of ds Phillip Horn (Louis Trichardt) by 084 209 5189 vir meer inligting
- **Instituut vir Kerkmusiek in Suid-Afrika (IKSA)**  
**Diploma in Himnologie 2012-2013**  
**Eerste byeenkoms: Saterdag 15 September 2012**  
Kursusfooi R800 per persoon per jaar  
Skakel met dr Elsabé Kloppers by [iksa@absamail.co.za](mailto:iksa@absamail.co.za) of 012 429 6589 (k)
- **Gemeente Glencoe: Toerustingskursus: Saterdag 20 Oktober**  
**Op reis – 'n dienswerkreistas**  
Deur ds Hannes Janse van Rensburg van Zuurfontein  
Registrasie 08:00, kursus begin om 09:00  
Koste R60  
Kontak ds Pieter Bester by 082 899 6564 / 034 212 1815  
[pieterbester@telkomsa.net](mailto:pieterbester@telkomsa.net)
- **Gemeente Pretoria: Woensdag 31 Oktober vanaf 09:00**  
**39ste Kongres van die Kerkhistoriese Genootskap**  
Tema: *Die Godsbegrip – Reformatoriese perspektiewe*  
Opening deur prof SJ Botha  
Prof IWC van Wyk (AIM): ‘Die eerste gebod en die God van die eerste gebod’  
met verwysing na Philipp Melanchthon en Zacharias Ursinus  
Prof CFC Coetzee (Noordwes-Universiteit): *Die Godsbegrip soos dit deur die Heidelbergse Katechismus begrond en bely word*  
Ledevergadering 11:30-12:00  
Afsluiting 12:00  
Uitstalling van gedenkpennings en historiese munte  
Navrae aan dr JMG Storm (083 308 1030 / [nhmeyerspark@lantic.net](mailto:nhmeyerspark@lantic.net))  
of dr Christo Pretorius (083 651 9634 / [praetorc@telkomsa.net](mailto:praetorc@telkomsa.net))



## Beskikbare behuising

- **Ons Tuis (Riviera)**  
**Tehuis vir versorging van verswakte bejaardes het tans plek beskikbaar**  
Volledige versorgingsfasiliteit wat insluit:
  - o 24-uur mediese versorging
  - o 3 maaltye per dag

- Sekuriteit
  - Gereelde sosiale aktiwiteite
- Vir meer besonderhede, skakel matrone E Mans by 012 329 3623  
Aansoekvorms kan afgetrek word van [www.otmt.org](http://www.otmt.org)  
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**  
**Behuising vir seniorburgers**  
Daar is tans die volgende behuising beskikbaar:  
**MET VERSORGING**  
1 dubbelkamer (verkieslik 'n egpaar) – 24-uur-versorging  
Koste per persoon R5 500 per maand  
(sluit in 3 etes per dag, wasgoed en kamer skoonmaak), opnamefooi R3 000  
**SELFVERSORGING**
  - A-gang: 1 enkelkamer, R3 050 per maand  
(ingesluit 3 etes, wasgoed en kamer skoonmaak 1 x per week)
  - B-gang: 1 dubbelkamer (egpaar) – R3 050 per persoon  
(ingesluit 3 etes, wasgoed en skoonmaak van kamer 1 x per week)
  - H-gang: 1 ruim kamer met eie badkamer, stoepie en tuintjie  
(ingesluit middagete) – R3 000 per maandEenmalige opnamefooi van R3 000  
Ondersteunende dienste beskikbaar  
**Kontak matrone Alet Botha by 056 811 2185 vir meer besonderhede**
- **Konserte en feeste**
  - **Sondag 7 Oktober om 18:00: Gemeentes Primrose en Primrose-Oos Christelike toneelstuk** deur Delta C: 'n Nuwe lewe  
Ten bate van **Graad 1 Bybelprojek**: Elke jaar word 'n Bybel aan elke nuwe graad 1-leerling in Primrose geskenk  
Volwassenes R50, kinders R30 (sluit ribburger in)  
Navrae per SMS aan Chris de Wet by 082 699 2295
- **Kampe en toere**
  - **Toer op Bybelse voetspore...  
Egipte, Israel en Jordanië**  
4-18 Desember 2012  
Kontak ds Hannes van der Merwe by 082 575 1979  
of [hannes@pretoriaos.com](mailto:hannes@pretoriaos.com) vir meer inligting
- **Kompetisies en fondsinsamelings**
  - **Gemeente Brits: Boufondsversoek**  
Dra by tot die gemeente se boufonds  
SMS **KERK** na **48716** en dra R10 by  
Fondse word gebruik om die geboue te herstel  
Meer as een SMS is baie welkom  
Navrae aan ds Kobus Celliers by 012 252 0158
  - **Gemeente Hartebeeshoek: Fotokompetisie**  
Tyd om kameras op te neem en te begin soek na **VOETE** en/of **SKOENE**  
Tema: *In sy voetspore*  
Reëls en voorwaardes geld  
Goeie pryse met professionele beoordeling  
Kontak Theresa Oosthuizen by [theresa@northernfoods.co.za](mailto:theresa@northernfoods.co.za)
  - **Gemeente Leeudoringstad: Kompetisie om Doringfees bekend te stel**  
Pakkette beskikbaar, ook aan gemeentes

R1 000: 20 boekies ter waarde van R10 000  
(gemeente kan dus R9 000 wins maak)  
R2 500: 50 boekies ter waarde van R25 000 (wins R22 500)  
R5 000: 100 boekies ter waarde van R50 000 (wins R45 000)  
Kaartjies slegs R50 elk – en 11de kaartjie in die boekie is gratis  
**Trekking Saterdag 29 September om 12:45**  
Kontak Berno Robinson by 082 395 9241

- **Gemeente Horison Roodepoort: Naweek van 26-27 Oktober**  
Liturgiese blommeskou by die kerk  
Alle blommerangskikkers word genooi om in te skryf  
Vir meer inligting of 'n inskrywingsvorm, kontak Hannie Cripps by 084 549 4102
- **Gemeente Kampersrus: Vakansiekompetisie**  
**Trekking: 27 Oktober**  
Wen naweek ter waarde van R28 000  
3 nagte verblyf vir 2 persone in 5-ster Kapama Lodge  
(alle etes asook wildritte ingesluit)  
Olifanritte, lugballonrit, spabehandelinge in hartjie van Bosveld  
Besoek aan Cheetah-projek in Hoedspruit  
R2 000 sakgeld  
Kaartjies R100 elk  
Navrae aan ds Marius Kramer by 083 310 6042  
of by gemeentelike kerkkantoor [kampersrus@nhk.co.za](mailto:kampersrus@nhk.co.za)

## Basaars en markte

- **Vrydag 28 tot Sondag 30 September: Gemeente Zeerust Bosrumoer**  
By Doornrivier 4x4, Zeerust  
Kontak ds Barrie Oberholzer by 082 211 7926 of [bosrumoer@gmail.com](mailto:bosrumoer@gmail.com)  
<http://www.bosrumoer.co.za>
- **Saterdag 29 September om 09:00: Gemeente Leeudoringstad Doringfees**  
Gaskunstenaar Sorina die Flooze  
Navrae aan gemeentelike kerkkantoor by 018 581 2055  
of [nhkleetjies@nwet.co.za](mailto:nhkleetjies@nwet.co.za)
- **Saterdag 29 September: Gemeente Coligny: Wielefees**  
Beleef grootste ontbytrit nog in die Noordwese  
Veteraanmotors, nuwe motors, omgeboude karre en motorfietse  
Sommer langs hoofpad by Shell Ultra City uitgestal  
Stalletjies met heerlikste gebak, pannekoek, burgers, geroosterde toebroodjies, worsbroodjies en roerbraai  
Pret vir die jonk van hart, verfbal, skyfskiet, springkasteel  
Kom probeer die meganiese bul ry!  
Kontak Jan Haywood (motorinskrywings en uitstellings) by 084 514 7050  
of Jan Jordaan by 083 468 6700 vir algemene navrae en rigtingaanwysings
- **Vrydag 26 Oktober vanaf 09:00: Gemeente Piet Potgieter op Potgietersrus Jaarlike Kersmark**  
Unieke Kersgeskenke en 'n middag- en aandete  
Gebak en speletjies vir die kinders  
Skakel Anna by 084 580 7050
- **Saterdag 27 Oktober: Gemeente Kempton Park-Oos Bosveld Kontreifees**  
09:00 tot 17:00

Kom deel in heerlike dag tussen verskeie uitstallers en kosstalletjies  
Hope pret vir kinders, potjiekoskompetisie, Mnr & Mej Kontreifees  
Gaskunstenaar Thys die Bosveldklong om 14:00  
Toegang R10 per persoon  
Kontak ds Anneline Geyer by 082 924 7344

## ANDER NUUS

- **Die Ondersteuningsraad Pretoria: Vakature: Voldag sekretariële beampete**  
Vereistes: Goeie menseverhoudinge; rekenaarvaardig (onder meer in Excel); sterke administratiewe vaardighede; kreatiewe denke; geldige rybewys  
Faks CV na 012 325 1856 of e-pos na [oraad@telkomsa.net](mailto:oraad@telkomsa.net)  
**Sluitingsdatum: Vrydag 14 September**
- **Die Ondersteuningsraad (OSR)** bied vanjaar weer vir minderbevoordele tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of [oraad@telkomsa.net](mailto:oraad@telkomsa.net). Die bankbesonderhede is soos volg:  
Die Ondersteuningsraad  
ABSA tjkrekening nommer: 000602795  
Takkode 323 345  
Beskrywing: Kampfonds
- **INTERNASIONALE KINDER- EN JEUGKONFERENSIE**  
**26-28 September**  
Fakulteit Teologie, NWU, Potchefstroom  
Gerig op predikante, kategete, ouers en almal wat met kinders en die jeug werk  
Verskeie gesamentlike en parallelle sessies  
Wetenskaplike én meer populêre lesings  
Sprekers: prof Malan Nel; Craig Groome; Marius Storm; Petra Kollege;  
ongeveer 30 ander  
Konferensiegangers is vir eie huisvesting verantwoordelik  
Kry inligting oor gastehuise by  
[http://www.potchefstroom.co.za/accommodation/acc\\_guest\\_houses.html](http://www.potchefstroom.co.za/accommodation/acc_guest_houses.html)  
Navrae aan dr Rudy Denton by 018 294 3509 of [rudy@nhk.co.za](mailto:rudy@nhk.co.za)
- **BYBELGENOOTSKAP**  
**Dinsdag 9 Oktober: Gholfdag**  
Gelykydige begin 11:00 te Serengeti-gholfklub  
*Betterball Stableford:* R3 000 per 4-bal (sluit aandete in)  
Kontak Jenene Bernhardt by 011 552 7208  
of [jenene@serengeti.co.za](mailto:jenene@serengeti.co.za)
- **BEELD-KINDERFONDS 2012**  
Kaartjies vir die kompetisie om fondse vir die versorging van kinders in te samel, kos **R25 elk**, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.
- **ADVERTENSIES** waarvan 'n private individu of instansie die begunstigde is, of waarin 'n gemeente 'n projek prominent wil bekendstel, kan in die **e-Hervormer** geplaas word. Dit bestaan hoofsaaklik uit **teks van ongeveer**



**110 woorde** (u kan eenvoudige grafika of 'n foto voorsien), maar daar sal nie onderhandel word oor die uitleg daarvan nie. Indien 'n jpg-weergawe van die advertensie voorsien word, moet dit **verkieslik nie groter as 'n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na [produksie@nhk.co.za](mailto:produksie@nhk.co.za). GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:

Raad van Finansies

ABSA tjekrekening nommer 020-000-287

Takkode 632-005

**Verwysing: u naam + e-Hervormer Ads**

## KOMMENTAAR

Lesers kan kort kommentaar (**uiters 100 woorde**) stuur aan [produksie@nhk.co.za](mailto:produksie@nhk.co.za). Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na [www.nhka.org](http://www.nhka.org) → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

"Baie dankie vir die plasing van ons Karnaval in die *e-Hervormer*. Die Karnaval van 1 September het ten spyte van vele ander aktiwiteite in buurdorpe tog baie goed verloop. Dankie vir die *e-Hervormer* se aandeel daaraan."

**Belinda Smith, Gemeente Koster**

## AGTERBLAD

### Mediasondag 2012

**Eerskomende Sondag, 16 September, is Mediasondag in al die gemeentes van die Hervormde Kerk.**

Hierdie is 'n geleentheid om lidmate bewus te maak van al die publikasies van die Kerk: tydskrifte, Bybelstudies, Kerkboeke, elektroniese media, ensovoorts. Gemeentes kan gerus SENTIK se PowerPoint-skyfies ('n nuwe stel word saam met hierdie nuusbrief uitgestuur) deel maak van die afkondigings, die pamphlette wat tydens die Predikantevergadering aan leraars gegee is uitdeel, en intekenings aanmoedig. U kan ons publikasies gebruik in die kategeseklassie en in gemeentebediening, en ons lidmate van kleins af aanmoedig om saam te praat oor gebeure in die Kerk.

Navrae oor en bestellings vir publikasies kan gerig word aan mev Susann van Zyl, 012 322 8885 x291; faks 086 633 4054; [sentik@nhk.co.za](mailto:sentik@nhk.co.za).

\*\*\* Die nuutste promosieskyfies is beskikbaar by [www.konteks.co.za](http://www.konteks.co.za) → Inligting en skakels → Promosies.